

ВЛАНОВІСТНИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходить двараз в мѣсяцъ
каждого 1-го и 15-го.

АДРЕС:
редакції и експедиції :
REDAKCIA „VLAHOVISTNIK“
Užhorod, Kapitulska, 3.

ПРЕДПЛАТА:

на рок 12.— К
одно чиство — .60 К
За границу 20.— К
До Америки..... 1 Д)

ОБЯВЛЕНИЯ

принимаются по цѣнѣ
за 1 сторону .. 100 К
за $\frac{1}{2}$ сторону .. 50 К
за $\frac{1}{4}$ сторону .. 25 К

РЕДАКТОР ИЗДАТЕЛЬ :
АВГУСТИН ВОЛОШИН.

ОТВѢЧАТЕЛЬНЫЙ РЕДАКТОР :
ЕМИЛІЯН БОКШАЙ.

Наш опаснѣйший ворог.

Маєме мы много ворогов, сильных и опасных; маєме много шкодников домашних и чужих, ворогов культуры, ворогов экономического поднесения нашего, ворогов духовной и ворогов народной жизни.

Еднако же все ми найопаснѣйшій е тот, который на раз всем нашим интересам шкодить, который путает духовную жизнь, подкопает материальный благобыт, который нишит народную честь, который од рота однинае насущный хлѣб, а од души утѣху ласки Божої.

Сей опаснѣйший ворог наш — пьянство.

Ци видѣли вы солодкѣ в домѣ пяницѣ счаствия и благобыта?

Не думаю, чтобы'ся фамилія пяницѣ добре чувствовала.

Не е того богатства, которое бы не змарнив пяниця. Весь маєток, лишеный пяницѣ предками, переходит в кешеню лихваря-корчмаря, котрѣ мало по малу засядутъ всѣ красшѣ телеки наших верховинских сел. И все то стаєся — через паленку.

И якій-то живот родинный в домѣ пяницѣ? Крики-лайки, бойки из одної стороны, а плач и смуток из другої.

А душевно як глубоко упаде пяница? Ци видѣли

Сторона 18.

„БЛАГОВѢСТНИК“

Рок 1923.

вы, честнѣ люде, честного пяницю? Ци може мати твердоѣ волѣ и христіянскаго характеру пяница?

Николи. Бо кто не знае противостати низкой по- жадливости что до всякого напою, тот не знае повиноватися высшим, благородным идеям.

Пяница забывае за Бога, за церков, за душу свою, загине в нем честнота и станеся способным на всякое подлое дѣло.

Ой не раз была вже корчма мѣстом кровавых сцен, даже убийства. Статистика доказала, что наибольше убийств припадае на тоты дни, коли корчма отворена.

Паленка губить душу и губить тѣло. Е опасным ядом, страшным ворогом здоровья нашего. Попалить жолудок, услябляе нервы и всѣ органы тѣла. Паленка наповняе людьми темницѣ и домы дурных.

Страшно и подумати на то, что як глубоко вкоренився грѣх пянства в нашем несчастном народѣ. На каждое маленькое село припадають 2—3 корчмы и всѣ они красно процвѣтають, великѣ зыски выказують.

Люде добрѣ! Ци не могли бы мы тоты міліоны, которыми наповняеме кешенѣ лихварьов-корчмарьов, и которими губиме самых себе, — обернути на хосенное? Ци-не могли бы мы лѣпше бывати, лѣпше справитися и лѣпше одѣватися? Ци-не могли бы мы выучовати дѣтей и дати им лѣпшій кусок хлѣба?

Не вѣруйте то, что пяница вже мусить умерти пяницею! З ласкою Божою и з помочію добрых людей мож его спаси. Но для того треба соединитися всѣм знакомым того несчастного.

А головное, чтобы тот душевно хворый почув теплоту утѣхи Божої, чтобы го подперла своею любовію побожна и терпелива жона, щирый отець духовный и учитель и щиробратска громада. А чтобы'сьме могли сих несчастных одорвати од мѣста пянствованя, по- трѣбно чтобы вмѣсто корчмы люде ходили до читальнѣ „Про свѣта“ а чтобы корчма в недѣлю и свята была заперта, и чтобы корчма не была в ру-

ках ворогов-лихварьов, но в руках христіян або христіянских товариств.

У чехов, або хорватов не є жидовскоѣ корчмы, бо сіи народы жіють свѣдому народну жизнь и не дають ся выкорыстati чужими піявицями.

Першим кроком нашого народного воскресеня має быти. — изовсѣм одорватися од корчмы и жити, — тверезо!



О происхожденїи св. Духа.

Христіанин вѣру свою черпае из ученія Христової Церкви бо знае, что Христос право толкованія вѣры, и рѣшеніе спорныхъ вопросов о вѣрѣ передав своеї Церкви. А св. Мати Церковь коли дачто предложить вѣрникамъ вѣровати, або рѣшае въ сумнѣвыхъ дѣлахъ вѣры, своѣ доказы черпае изъ двухъ источниковъ: изъ ск. Писанія и изъ ск. Преданія (св. Преданіе есть тата наука Христа, которую апостолы и евангелисты не списали; но позднѣйше въ творахъ св. Отцовъ найдеме списано).

Христова (католицка) Церковь о происхожденію св. Духа то учить, что Духъ святый исходить и отъ Отца и отъ Сына. Сіе ученіе св. Церкви опирается такъ на св. Писанію, якъ и на св. Преданію.

1. Что св. Духъ исходить отъ Отца, о томъ св. Писаніе такъ говорить: „Егда же прійдетъ Оуткшитель, его же азъ пошлю

Сторона 20.

„БЛАГОВѢСТИК“

Рок 1923.

вамъ отъ Отца, Духъ истины, иже отъ Отца исходитъ, той свидѣтельствуетъ и мнѣ“ (Іоан. 15, 26.) о просхожденїю его и от Сына каже св. писаніе: „Посла Богъ Духъ, сына ское...“ (Гал. 4., 6) и св. Павел (Римл. 8., 9.) называє св. Духа, „Духомъ Христа“. — Не правда также, что шизматики твердять, як бы Дух св. исходив только от Отца; св. Писаніе исхожденіе св. Духа присвоить так Отцу, як и Сынови. Слѣдовательно кто, то учить, что Дух св. только от Отца исходить, тот противить ся выразному ученію св. Писанія.

2. Сie ученіе содержить в собѣ и ск. **Преданіе.** Шизматики говорять, что не е ни одного св. Отца, кто бы учив, что св. Дух походить и от Сына. Противно! Св. отцы, навѣть и „стовпы православія“, почитаемъ и в шизматицкой Церкви правѣ то учили, что св. Дух не только от Отца но и от Сына исходить Из многих только головнѣйших приведемъ.

Св. Іоанасій учить: „Сынъ есть источникъ ск. Духъ“ (О Тройцѣ п. 19). „Якое отношеніе свойственности открыли мы у Сына до Отца, такое найдемъ и у Духа до Сына“ (З. посл. к Серапіону п. 1.)

Ск. Епифаній: „Вѣруемъ во Христа от Отца, яко Бога от Бога исходящаго; и в Духа св. от Христа, поелику отъ обоихъ исходить“ (Минь т. 43. ст. 138.)

Св. Іларій: „Св. Дух от Отца и Сына, як от производителей“ (О св. Тройцѣ кн. 2.)

Св. Василій Вел.: „Дух есть словом Сына, як Сын словом Отца“ (Прот. Евномія кн. 5.) „Утѣшитель называєся и Духом Христа и у властном достоинствѣ заявляє величавость Того (т. е. от Христа) от кого походить“ (о св. Дусѣ гл. 18.)

Св. Августинъ: „Дух святый не есть Дух, лиш одного из Них (т. е. Отца або Сына) но обоихъ; почему бы нам не вѣровати, что Дух св. исходить также и от Сына.“ (Минь т. 35 ст. 1888.)

Патріархъ Тарасій в своем посланію ко другим патріархам писав: „Вѣрюю . . . и в Духа св. Господа животворящего, иже от Отца черезъ Сына исходящаго.

Само так учили и ишѣ св отцы, як ск. **Левъ Вел.**, ск. **Іоаннъ Златоустъ**, ск. **Імкросій**, **Григорій Нисейскій** явнымъ доказомъ того, что св. Преданіе подобно як и св. Писаніе исхожденіе св. Духа не только Отцу но и Сыну приписує.

Зато св. мати Церков, свое ученіе так из св. Писанія, як из св. Преданія черпаючи и не може иншак учити, як учить, т. е. что Дух св. исходить и от Отца и от Сына. Само так и християнин, кто не хочет противитися св. Писанію, св. Преданію и ученію Христової Церкви, должен вѣровати, что Дух св. исходить и от Отца и от Сына.

3. В найдавнѣйшом Символѣ вѣры (Вѣрую) о св. Дусѣ только се есть сказано: „Вѣрую . . . въ Духа святаго . . .“ Коли в IV-ом столѣтію еретик Македоній почав отрицати исхожденіе св. Духа от Отца, и казав, что Дух св. только от Сына исходить, тогды Константинопольскій собор завюв в символ вѣры: „иже отъ Отца исходящаго“; коли же потом на дакотрьих мѣстах почали твердити, что Дух св. только от Отца исходить, на тых мѣстах наставники церквей розпорядили читати Вѣру с додатком „и Сына“, бо се так е в св. Писанію и так учили св. Отцы; коли пак Фотій почав борьбу против апостольскаго престола и отрицав исхожденіе Духа св. „и отъ Сына“ и коли Керуларій за се розорвав единство Христової Церкви, зойшли ся отцы так западнѣ и восточнѣ на Флорентійскій собор (переже на Ліонскій 1274) и окончательно опредѣлили, что ученіе св. Матери Церкви о Дусѣ св. то, что Он исходить так от Отца, як от Сына (Из восточных отцов там были межи прочими: Іосиф констаотиноп., Исидор кіивскій патріарха и сам император грецкій.)

Но та ци треба еще бѣльше доказов, что наша вѣра есть правильна, что наша вѣра об исхожденію св. Духа отповѣдае и св. Писанію, и св. Преданію и всегдашнему ученію св. Матери Церкви?! Не можеме собѣ представити, что и св. Писаніе и св. Преданіе и цѣла катол. Церковь ошибатися може и только Фотій и Фотіяне (шизматики) голосять истинну правду.

Кто им вѣруе, той не может вѣровати ани св. Писанію, ни св. Преданію, ни св. Церкви, котра по словам св. Павла есть: „столпъ и оутвержденіе истины“ (Тим. 3., 15).

Миссійна подорожъ Проесвяш. Епископа пряшевскаго Діонизія по Маковицѣ и других да- котрьих парохіях.

(Продолженіе).

О 10. години 16-го нов. посѣтив владыка вѣрных в Соро-чину. Там нѣма нашей церкви. Вѣрнѣ повнѣ горячай любви до Господа Бога окончують богослуженя у одном домѣ. Их любов до Бога и межусобна любов збудуе им незадовг красну церкву. По молебну и горячай науки владыка ишов дальше до Дуплины,

гдѣ его дочекав лат. священик декан Мартенѣй у дверех церкви с своими вѣрниками. На привѣтанье отвѣтовав владыка с наукою до вѣрных и ишов дальше до Стропкова. Ту його у дверех монастырской церкви дочекали отцы Редемтористы с міссіонаром нашим на чолѣ — отцем Трчком.. По молебнѣ и науки посѣтив владыка с великим числом своего священства и парохіалну римо кат. церкву, гдѣ его привѣтав о. Инцингер; перед чудотворным образом Матери Божой поздоровили всѣ священики Пренепорочну з прекрасною пѣснію: „Ликуй Marie“ и попрашали ся с своим владыкою, который того вечера еще повернув назад до Свѣднику, щобы на 17. рано мог быти у Владимировѣ. У том селѣ народ найбольше быв збунтованый от людей, котрѣ найменьше думаютъ на спасенье души и на св. вѣру. Владыка хотѣв сам поговорити с людьми тои парохіи и сказать имъ правду Божу. На дорозѣ привитав владыку староста села и скончив съ словами: „Мы с Вами будеме говорити потом“. Епископ их просив, чтобы пришли на Службу и по Службѣ до него, але они не пришли. Владыка одслужив Арх. Службу Божу, и сказав науку на подставѣ житя первых христіянов. Як тамтѣ мусѣли много перетерпѣти, щобы могли служити Г. Богу, так треба и нынѣ добрым христіянам много терпѣти за Г. Бога. — Деревяна церковця была повна с вѣрниками, котрѣ позберали ся из всѣх сторон.

Найбольше тѣшили ся добрѣ жены из Владимирова, котрѣ остали вѣрнѣ святой вѣрѣ и церкви. Ту было можно видѣти лица декоторых жен, котрѣ були подобни лицам матерей и жен христіянских там из первых вѣков христіянства. — Была то велика потѣха на владику а и на наше священство. Бо гдѣ есть таких душ, там не може загинути св. вѣра. Господь выслушаетъ их молитвы и терпѣння и удѣлить ласку свою чрезвычайну, котра притягне и заблудших вѣрников назад до лона церкви христовой.

Спокойним сердцем хотїй и переповненим от жалости оставляв владыка ту парохію поручаючи всѣх своих вѣрников безконечному милосердїю Божому. Он очекує, же и там скоро будуть лѣпши часы, котрѣ розженуть тьму, яку до той парохіи запровадила агитація шизматиков з Америки и домашних. Он має надѣю, же той народ наскоро стане на свои ноги и порозумѣє, же для него нема спасенія инде, як у церкви грекокато-

лицкой. Едино ту знайде не лишень потѣху за душу але и помоч и за свои дочаснѣ потребы. Найлѣпшим его пріятелем суть його священники, котрѣ з своими вѣрниками много терплять и котрѣ готовѣ за добро своих вѣрных и на найтяжшѣ жертвы.

Господи ускори той час, щобы и вѣрники той парохіи едним сердцем и едною душою Тебе величали, Тебе любили, Тебѣ служили!

Около 4. години ступив владыка до церкви в Н.-Орлиху. По молебнѣ и науки попрощав ся владыка з своими дѣтми и закликав их на завтра до Выш.-Орлиха на Арх. Службу Божу о 8. подинѣ. У В.-Орлиху сердечно привитав Преосвященого о. Галько, декан в церкви, а п. потар окружный перед брамою. По молебнѣ и науки посѣтив владыка дом о. Галька. Наслѣдки страшной войны видѣти ту не лишень на парохіальному дому и будинках але и у душах вѣрников. Добрый Бог скоро допоможе! — И та душевна слабость буде вилѣчена. Ту треба терпѣти и много молити, щобы Господь чим скорше допомог поправити и вилѣчити раны, котрѣ наростила свѣтова война.

18. новембра о 8. год. была у В.-Орлаху Арх. Сл. Божа, а на конци Панихида за блаж. памяти епкпа др-а Валѣ-я, доброго отца епархіи Пряшевской. Членам депутатій владыка обѣцав, же им буде помагати по свѣтих силах носити их тяжки крестї. Опоминав их най не жалують нѣякого труду, гдѣ росходитися о выхованїї молодежки.

Около 12. години рушив ся владыка из В.-Орлиха и посѣжив церкви у Нижном и Вышњом Мирошовѣ. О. Стеф. Подгаецкій привитав свого владыку с всѣми своими вѣрниками, як найсердечнѣйше. По молебнѣ и науках владыки продовжав дальше свою дорогу из сѣверной стороны горы Маковицы. Дорога была задля снѣгу дуже тяжка, але Господь Богъ вынадгороджував владыцѣ и найменшу жертву с духовными потѣхами, якъ заходив у душах своих людей.

(Продолженіє слѣдує.)

БЕСѢДА.

Наверненіе шизматика через св. Причащеніе.

Десь коло р. 1850 жила в Сучацѣ (Булгарія) одна убога, але праведна шизматицка фамилія. Из бѣды мусѣв малый Димитрик оставиліи свой отцевскій дом, та пойти на службу и в одном селѣ став он пастухом. Но Бог в своем Провѣдѣнію призначив ему лѣпшу долю. Як 12 лѣтний молодецъ почув Димитрик в собѣ охоту вступити до монастиря; одного дня

розвовѣв он свое желаніе отцови, кто хотя из початку мало противив ся, але в конци однак позволив.

С опцѣвским дозволеніем Димитрик ступив в оден из монастырей на горѣ Атос. Настоятель монастыря утямив в нем богато добрых свойств и правдивое покликаніе до монашого стану. По пріятію до монастыря змѣнили его имя на Пантелеймон. Зараз в початках монастырского житя Пантелеймон взяв ся до себе и в коротком часѣ много поступив в духовном житю. Не подобало ся се старшим монахам, что сей молодый новик так перевысшае их в чеснотах и в ревности; но головно то мѣрило их, что молодой Панталеймон так часто приступає к св. Причащенію. Бо из тамошних монахов однѣ причащали ся раз на рок, другѣ раз у больших роках; однѣ из них отправляли Службу Божу лиш в недѣля и свята, а другѣ десять, днацацять раз в цѣлом роцѣ. Така то была „тверда“ шизматицка вѣра!

Та не дивно, что Пантелеймон не мог спокойно дивити ся на таку недбалость монахов. Нераз можно было чути, як отзывав ся он до неодного священика:

„Як то може быти, что вы слуги Всевышнього так нев ballo сповняете Его службу? Вы прецѣнь маєте щастя тримати на руках воплощенное Слово, с ним так близко быти, Его приймати, а однак вы якось не чуете жажды и голоду до него.“

В початках монашого житя причащав ся Пантелеймон кождого другого тýждня, але были часы, коли молодий монах не быв в силѣ выдержати 14 днев без св. Причастія. Для того не раз просив он то одного, то другого священика, чтобы причащав его частїйше. В том часѣ находило ся на атонской горѣ около 40 монастырев; за то, понеже священики его монастыря не хотѣли его так часто причащати, он кождого рана вихопився из своего монастыря и по черзѣ зайшов до кождого монастыря и тым способом мог кождого дня причащати ся. Але за якійсь час довѣдали ся про се атоньскѣ священики и никто больше не хотѣв его причащати. Пантелеймон мусѣв оставити шизматицкій монастырь с тою думкою, что туй жіют люди котрѣ и самѣ не идутъ до Бога, и других непускають.

Божое провидѣніе запровадило его до мѣста Адріянополя. Тут став Пантелеймон в одной школѣ учителем дѣтей. Не далеко от школы находила ся церковця. В той перебѣгав он через всѣ свои свободнѣ часы. Потом попросив он

Рок 1923.

„БЛАГОВѢСТНИК“

Сторона 25.

пароха сей церкви, чтобы принял его за церковника и дяка. Парох радо згодив ся, бо Пантелеймон нежадав жадной заплаты.

Парох сей дуже недбало сповняв свои душпастырскѣ обовязки; но на частое упоминаніе Пантелеймона почав порядочно хоть лиш кажду недѣлю и каждое свято службу Божу кончити и убогим милостыню давати. Пантелеймон однак еще все зостав в шизмѣ, бо єму не приходило навѣть на гадку, что шизматицка вѣра е грѣшною. Лиш тогды пробудив ся из сего глубокого сна, коли раз стрѣтився з одним католицким міссионаром. Сей сразу познав, что Пантелеймон хотя принадлежать до шизмы, то однак у него в сердцю пливе чиста кров христовой Церкви; потолковав также ему яка то шизматицка вѣра, як Богу не милый той роздор что зачав Фотій, а Пантелеймон радо став греко-каѳоликом.

Почав наш новонавернений дѣйстно новое житя на лонѣ нашей каѳол. Церкви; собрав онъ наоколо себе великое число побожных душ, та заложив два монастирѣ, один мужескій а другій женскій; монахи и монахинѣ жили под управою Пантелеймона и выславилися горячою любовію к Евхаристії и вѣрностію к римскому престолу.

Дивнѣ то дороги Твої Господи! Любовь и найсв. Евхаристіи привела одного шизматика у правдиву Христову Церков, до святого житя и у вѣчное спасеніе.

А нам сынам Христовой Церкви ци не приходило бы так любити св. Причащеніе, як той Пантелеймон! Колько у нас таких душ, котрѣ дѣйстно належать до Христовой Церкви, а любви к св. Евхаристіи так' мало в них.

|| ДОПІЧСИ ||

— — —
Отче Редакторе!

У нашей любезной новинцѣ „Благовѣстнику“ читав я возваніе даже практическое: же бы каждый душпастырь на концѣ года выдав рахунок о том: колькораз во том году причащеніе выслужив? Дуже важна то робота в нашей церковной жизни. Ибо русины люблять похвалитися: же их вѣра есть от давных пор, она есть тверда и они ю добрѣ подержать.

Але можу казати теперь тото условіе не постоить, ибо як каждодневного живота нашего образ указує, тото само

похваленіе русина не есть одповѣдное его духовному животу и справованію. Бо русин став невѣрен къ своей отцевской вѣрѣ. Раздор-кристіанство-фотіанизм его обляли яко потоп. И дзвѣтніе вѣры Христовой отсожне. А то народ славянскій, который имя має от слова **слава** — т. е. славу дати Богу на всей вселенной — мѣсто того раздирае ризу Христову. То же добрѣ. Послухайте слово намѣстника Іисуса христового Х. Пія: „назад ко Христу: все обновити в Христѣ.“

Почалося у Пряшевской и в Мукачевской епархіи радостное стремленіе розширити почитаніе: сердца Іисуса Христа: каждый першій пяток мѣсяца и душнастырям евхаристіи моленіе, а и св. рожанец Пр. Дѣвѣ Маріи. Где то кончится, там народ обернувся ко Христу! Але то в Подкарпатской Руси в дуже мало села! И зато и причащеніе каждодневное не розширилося. А если мы не глядаем Христа — ани Христос не буде нас помагати.

Если духовний живот не провадиме понижаемеся ко скотам. А то есть стыд человѣка. Вѣра наша христіанско-каѳолическа и наука спасенія нашего не так нас научила. Чом не подержиме ? !

Легкомысленность человѣческа — где твой копец?

Прейдут годы и столѣтія — нам видится много — а пред Богом все мало и бо Бог есть вѣчный !

Та чому не способимеся ко Богу и его волѣ? Знаете то, же каждый Римскій Отец має мотто, которое як пророчество выказано на каждого Папу: и то — значить цѣлый живот и дѣствіе самого того Римского Оца. На примѣр: Лев XIII. „Свѣтлость из неба“. Такѣ были его опредѣленія догматическѣ. — Пій X. „Обновитився в Христѣ“: Почалося и розширилося поченіе Іисуса Христа и причащеніе каждодневное. Память его в род и род! Бенедикт XV. „вѣра знищена“: и в правдѣ: соціал-демократія и большевизм под владѣніем его много шкодило вѣрѣ Христовой спасительной на цѣлом свѣтѣ, а най лѣпше в ческословенской республицѣ. Вѣра Христова угнетана. Авторитет потоптаный и под цифром свободы розширился нигилизм. Но але надежда наша в Христѣ!

Рок 1923.

„БЛАГОВѢСТНИК“

Сторона 27.

Ибо Пій XI. нынѣшній Пана Римскій має мотто: „вѣра непоколебима“ (fides intrepida).

Стане Христос к нам и яко изчезає дым так изчезнут враги его и погибнуть хрѣщаницы от лица Божія. Та ставайме и мы довѣріем: як вѣско Гедеоново — мало по числу — но дуже по одушевленію. С вами Бог! Призовите людіе ко Христу — ко причащенію . . Бог е безконечный, он нас поможе. Алакок Маргарета монахиня явленіе выказала, же Іисус Христос обѣцав ей — если люде будуть „святѣйше сердце его“ прочитати, он поблагословит народы! Пойте людіе к Христу воздадим хвалу имени его. — В моем селѣ есть 300 душ и в минувшом году 1922 было 1696 причащеній а пока не было братерство святѣйшого сердца Іисуса Христа, рочно было 500—600 причащеній; а то разлука. Та навперед; хвалим, кланяемся и благословим его в вѣки!

Во Цабовѣ, 1. I. 1923.

о. Емилій Петах,
намѣстник-парох.

ЛИТЕРАТУРА

Нива. Церковный мѣсячник. Львов, Корнятов ч. 1. В 11, 12 числѣ Еп. О. Боцян интереснѣ рѣчи подає о св. Іосафатѣ, кому сего року будуть святковати 300 лѣтнѣ роковини. Мощи нетлѣпнѣ святою мученка 1918 были перевезенѣ до Виднї, де 30-го авг. 1918 в церкви св. Варвары перевела папска комісія под проводом предсв. Андр Шептицкого каноничну рекогніцію. При сей инквизиції притомный быв и еп. Нярадій. В дальших подає еп. Бодан литературну дѣятельность святого и историчнѣ акты относяючѣ ся до святого и его вѣка.

О. д-р Іосиф Слѣпий продовжає свою статью: На Венеградѣ... в котрой першій раз с рефератом о. Ю. Гаджеги „Наука рос. историка Болотова о приматѣ“. занимає ся. Проф. Гаджега „упровадив присутных участников у способ думаня и аргументования православного теолога“. Споминає промовы двох россійских студентов, котрѣ „признають сгойность доказов на первенство папы и желають сильнѣйшу акцію в сем напрямѣ. Интересна была промова найбольшого ческого поета

др Яр. Дуриха по котрому: „Чехословаччина має розпочати офензиву соєдиненія на Восток; Подкарп. Русь мала бы быти помостом. Из сей точки зрењня повстання ческ.-слов. державы есть твор Божого провидїнія.“ В дальших подае автор короткое содержанія рефератов о. проф. Цинека про „Ческу-словацку религійну секту“, о. Верховского из Царьгороду про „образы в животѣ Церкви“. о. Зорван-Карпатія из Пряшева: „Розлука меже вост. и зап. Церквою“, п. Витовтов-а (росіян) про „Церковь в Россіи“ и иных.

Глѣб В. продовжає свою статю: „Церковное питанія в Россії“ из россійского рукопису, в которой познакомить нас в тяжко хворым россійским „православіем“. Пише, что „серед людей, котрѣ себе уважаютъ православными найдуться такѣ, котрѣ исповѣдуютъ лутеранізм, калвинизм, катаризм, аріанізм; суть такѣ — и може священниками, котрѣ не признаютъ Божества Христа, Откупленія, Воскресенія, бессмертности души вѣчных мук и суть исповѣдниками пантезму, матеріализму и т. д. Всѣ они переконанѣ что они православнѣ, вѣрнѣ дѣти своей церкви“. Въ россійской „прав.“ церкви проповѣдь дуже рѣдка и котра є, tota віяк не годна згасити жажду россійской души. Наслѣдок сего то, что росіян вдячно слухає всякѣ балаканія чужих пророков и зато голько протестанских сект серед простого населенія. Въ статѣ о. Др Теод. Галущинскаго: „Значиня св. Письма в пропорѣдництвѣ“ добрѣ порады подае автор священикам голосуючим Божое слово. Въ послѣдной большой статѣ др Гавр. Костельник пише о поезіи Ивана Франка и цитуе от него дасълько дуже красных религійных стихотвореній. Въ дальших о. Ив. Бачинскій парох пише дуже практичнѣ думки о организаціи духовенства, Адам Солодух (Бѣлорусин) сообщає малу статейку „о двох пробах утвореня катедры для вост.-церк. вопроса в Польши“ и от о. В. К. „Церк. относины на Виленщинѣ“. На конди „Вѣсти из свѣта“ „новѣ книжки“ и „Всячина“ заключаютъ богатое содержаніе сей перворядной духовной газеты. Препоручаеме всѣм нашим священикам сю единственну гр.-каѳ. научову церковну газету. Предплата на год 20 кор. Можно заказати и через „Благовѣстник“.

Пастырское Посланіе еп. Др Діонізія Нярадія до священства и вѣрных епархіи Пряшевской. Преосв. Епи-

скоп в сом посланію подає план своєй апостолской дѣяльности. Головнѣ точки сего плану: Нам треба старати ся о здоровлї тѣлесное. — Нечистота и піянство пищить здравлї, запропашуе народ. — Як треба старати ся о маєток? Треба лучити ся разом. — Обовязки богатших. — А что кажу Вам, котрѣ сте убоги? — Мы всѣ потребуем просвѣты и науки. — Пару слов пп. учителям и пп. учителькам. — Яка повинна быти наша интеллигенція? — О патріотизмъ. — На конци воззыває священиков на точное спонвеня катехизації дѣтей, проповѣданя слова Божего, на жертвавлюбность и народно-культурну роботу.

У редакцію засланѣ руськѣ книжки и часописи:

Мѣсяцослов с типиком. Выдае Т. „Уніо“ в Ужгородѣ, цѣна 8 кор.

Календарь „Просвѣты“. Цѣна 12 кор.

Календарь Союза Русских Жен в Пряшевѣ. Цѣна 10 к.

Христіянска Організація Школьной Молодежи. О. Др Іос. Маюкевич, ЧСВВ.

Поступ, студентскій вѣстник. Рок III. ч. 1. 1923. Жовква. Предплата на рок 12 кч.

Наш Пріятель. Часопис для дѣтей. Рок II. ч. 1. 1923. Жовква. Предплата на рок 6 кч.

Der eucharistische Völkerbund. Рок III. ч. 3, 4. 1923. Wien, XVIII., Semperstrasse 45, II. Stock.

НОВОСТИ.

С НОВЫМ РОКОМ.

Іван Франко.

С новый роком, братя ми! В новом щастю, в новой силѣ Радостно витаю вас, И желаю, чтоб' в здоровлю В мирѣ, с братною любовю От тепер ишов вам час.

И желаю, чтоб' трудяще Се житя вам як найкрасше Без бѣды минуло всѣм, Чтоб' думками вы мудрѣли, Богатѣли, не бѣднѣли, Чтоб' веселый быв ваш дом.

И желаю, чтоб згодно Смѣло, свѣдомо, свободно Ишли до спольной цѣли; В своей хатѣ жить по своему Не корити ся нѣкому, Лад найкрасшій завести, Щирой працѣ — Бог поможе! Дай вам Боже все, что гоже!

Административнѣ и судовѣ власти переведуть реституцію нарушеных прав гр. каѳоликов.

Красно пояснить схизматицку любивъ и терпѣливость той случай, который в Винновѣ (ж. Марм.) придався. Приход сей двѣ гр. кат. церкви має, — одну стару деревяну и одну нову муроану. Розумѣєся, что обѣ церкви устроилися на гр. каѳ. грошах. „Православным“ братям дуже полюбилися обѣ церкви и против всякого права и закона известными „братьскими“ способами перебрали их в свое владѣніе, хвалящися с силами своими, котрѣ все перемогут, перед которыми и самѣ законы утратят дѣяльность свою.

Гр. каѳолики уже давно с'организовалися и много трудились в том, чтобы свои права с нова получили. Труды наших ревных вѣрников на конец усиломъ вѣничалися. Гражданска власть разпорядила обѣ церкви передати в маєтность гр. каѳоликов. Передача случилася 4.го января, с. г. коли окружный начальник с 20 жандармами появився в селѣ, а тоproto, чтобы звентуальны пасильствїя схизматиков перепонити и спокойну передачу обезпечити. Схизматики уже вооруженно чекали урядову силу. „Братя“ с каменями и бигарями, „сестры“ с попрянм попельом привѣгствовали окр. начальника и жандармов и формальну битву почали против них, в которой однѣ жандарм на руцѣ тяжко поранився.

Но схизматицка смѣлость довго не держала, бо коли увидѣли „братя и сестры“, что жандармерія не бавигся, суньголов разбѣглися и церкви днесъ находятся в употреблениї наших вѣрников.

Что гражданскѣ и судовѣ власти теперь уже серіозно защищают законы и права нашей церкви, о том свѣдчити могутъ и слѣдующѣ факты: а) в Марм. Торуні жандармсрія розсыпала малу, но фанатичну схизматицку группу, котра с батюхом в гр. каѳ. церков хотѣла захатиця; б.) в Салдабошу присудом окр. суда хустскаго, обграблена церковь ари-сужена гр. каѳоликам; в.) в Копашном окр. суд хустскій подобное рѣшеніе принес, сими днями и реституція переведеся; г.) в Вел. Лучках против всякого усиїя схизматиков, адвокат ихъ усилюєся способ найти на то, чтобы уменшити выдатки фельди — Чвольовской дорожной чорной поливки . . .

Словом приближаєся час, коли гр. каѳолики на цѣлом фронте получат свою справедливу реституцію и нагороду.

Настав час, коли всѣ власти Републіки испознают, что схизматицкій-большевизм изломити и дѣяльность законов обезпечити, есть перворядным интересом нашей державы.

Рок 1923.

,БЛАГОВѢСТИК“

Сторона 31.

— К читателям! Пропросиме заслати предплату. Кто до 1-го фебруаря не зажене предплату, тому дальше не можеме посылати газету. Кождый свѣдомый христіянин должен подпоровати християнску прессу, котра за царство Божое воює с безчисленными ворогами. Без сильной христіянской прессы не можеме надѣятися на побѣду!

— Слава и побѣда! В Кошаиневъ 12-го децембра передали церков нашим вѣрникам. Шизматики и противитися не смѣли. На концѣ села розбили протесію золотарійовских гр. католиков. Обширнѣйше в слѣдуючом числѣ.

— **Большевицка „культура“.** Большевики архієпископа Беньамина перед двома мѣсяцами осудили на смерть а тепер вїедно с большим числом духовенства засрѣли их. На большу славу свободы культуры!

— **Др. Йосиф Каминскій и духовенство.** Епархіальна власть на минувшом засѣданію консисторії занималася с брутальними нападами К. Р. Вѣстника. Одноголосно рѣшено: поставить перед суд клеветника и требовать от него повну сatisфакцію.

— Число причастников в Ужг. каѳедр. церкви: Года 1919 — 8,760; 1920 — 10,352; 1921 — 10,951; 1922 — 12,908; числа ростуть, знаком того, что побожность народа поднимается.

— **Упокоився.** Андрей Иван гр. каѳ. молодий священик в Америцѣ по причинѣ одного

несчаствя умер. Блаженый ему спокой!

— **Школа для служниць.** В Ужгородѣ „Союз Руських Жон“ отворив 6 мѣсячный курс для служниць. Служницѣ учатся молитися, читати, писати, шити, спѣвати и т. д. На чолв сей школы стоить п. Ольга Волошинова. Число учениць 125.

— **Суспендовали в Америцѣ** одного гр. каѳ. духовника из пряшевской епархіи именем: Мих. Корбу, кто пріобрѣв собѣ диплом медицины и оставил священство.

— **Руська кухня для бѣдных** отворилася в Ужгородѣ под веденіем „Союза Руських Жон“. 75 доставают обѣд цѣльком бесплатно. Дары просяться на адрес: Ужгород Капитулска ул. ч. 10.

— **Помоч Ватикана Россіи.** Из Рима подає „Рускулт“ что в Донской области открылося отдѣленіе посланноѣ в Россію папою римским миссіи для помочи голодающим. Отдѣленіе приняло на себе заботы питанія 1500 людей

— **Царгородскій патріархат скасований.** На основѣ лаузанского договора грецкій патріархат в Царгородѣ перестане.

— **Схизматаки люблят обманути народ и с тым,** что

як они кажуть, судовъ форумы ани на одном мѣстѣ не присудили отчужденну ними церков гр. католикам; то лем уніятскѣ попы выдумали. Для ясного опроверженія сей схизматицкой брехни, приведеме число 256/22. окр. суда хустскаго, с которым салдовошска — и число 524/22. тогоже окр. суда, с которым копашнянска церков присуждена нашим вѣрникам. Адвокат салдовошских

грабителей уже заявив, что клиенты его хоть коли готовы на передачу, так случилося и в Копашньовѣ, где 12.-го с. м. уже и отбылася передача. Розумѣется, что правотиѣ выдатки в каждом случаѣ на схизматиков наложатся.

— Новѣ причетники богословія. Антоній Кардош и Андрей Тилищак, абсолвенты гимназіи приняты в ряд богословов Мукачевской епархіи.

Короткѣ вѣстѣ. В Карловцах отбывся сербскій церковный собор при участіи 21 епископа с патріархом на чолѣ. На соборѣ говорилося о другом супружествѣ священиков, о образованію монахов, о скороченю літургіи (служба Божа), о убраню священиков и о их матеріальном положенію. Рѣшенія еще нам не извѣстнѣ. — В ческих школах находиться 5521 безконфесійных (безвѣрных) учеников, из которых только 6 нѣмцов, всѣ прочѣ чехи. — В Пряшевской епархіи не друковався окремѣшний устав церковный; и они Ужгородскій устав будуть употребляти. — В Пряшевской епархіи 17-ого апраля 1923 будуть проводом епископа, на которое собраніе прикликанѣ всѣ намѣстники окружнѣ. — В Нѣмеччинѣ наверненія до каѳол. церкви из рока на рок ростуть. Число наверненых в роцѣ 1920 выносить 8617. — Римскій папа намѣряе знов созвати Ватиканскій собор, который г. 1870 быв першій раз созван, но еще до днесъ не есть заключеный. — На Рождество выдав Папа XI. Пій свою першу енциклику. В ней заявить, что он управляти хоче Церковю в напрямѣ своего выбраного дозунга: „Мир Христов в Царствѣ Христовом“ Выражает свою утьху, что майже всѣ державы обновили желаніе жити с апостолским престолом в найлѣпшом отношенію. — В Лурдѣ года 1921 было 793 000 причастников; число паломников того рока было 800,000, меже ними кардинал Раттій (тепер Пій XI). В заведеніях лѣкарских дѣйствує 390 лѣкарів всякої національности.